



大宋新譯三藏聖教序 說

太宗神功聖德文武皇帝製

大矣哉我佛之教也化導群迷闡揚宗性廣博宏辯英彥莫能究其旨精微妙說庸愚豈可度其源義理幽玄真空莫測包括萬象譬喻無垠綜法網之紀綱演無際之正教拔四生於苦海譯三藏之秘言天地變化乎陰陽日月盈虧乎寒暑大則說諸善惡細則比於恒沙含識萬端弗可盡述若窺像法如影隨形離六情以長存歷千劫而可久須彌納藏於芥子如來坦蕩於無邊達磨西來法傳東土宣揚妙理順從指歸彼岸菩提愛河生滅用行於五濁惡趣拯溺於三業途中經垂世以難窮道無私而永泰雪山貝葉若銀臺之耀日歲月煙蘿起香界之自遠巍巍罕測杳杳難名所以道資十聖德被三賢至道起於乾元衆妙生乎太易摠繁形類竅鑿昏明絕彼是非開茲蒙昧有西域法師天息災等常持四忍早悟三乘翻貝葉之真詮續人天之聖教芳猷重

聖製

啓運偶昌時潤五聲於文章暢四始於風律堂堂容止穆穆輝華曠劫而昏墊重明玄門昭顯軌範而彌光妙法淨界騰音利益有情俱登覺岸無成耶礙救諸疲羸冥昧慈悲浩汗物表柔伏貪恨啓滌昏愚演小乘聲聞合其儀論大乘正覺立其性含靈悟而蒙福藏教缺而重興幻化迷途火宅深喻雖設其教不知者多善念生而無量潛臻惡業興而隨緣皆墮調御四衆積行十方澍華雨於金輪護恒沙於玉闕有頂之風不可壞無際之水弗能漂澄寂湛然圓明清淨之智慧性空無染妄想解脫之因緣可以離煩惱於心田可以得清涼於宇宙朕慙非博學釋典微闕豈堪序文以示來者如糜螢燭火不足比之於皎日將微蠶量海未能窮盡於深淵者哉

繼作聖教序

御製

高明肇分三辰方乃序其次厚載初定萬彙於以發乎端清濁之體既彰

頂生王第一卷

第三張

說字號

善惡之源是顯然後以文物立其教以正典化其俗利益之功同歸於理於是乎像法來於西國真諦流於中夏洞貫千古真實之理無以窮囊括九圍玄妙之門莫能究言乎妄想則五蘊皆空現乃真容則一毫圓滿廣大之教豈能紀述者哉伏觀

太宗神功聖德文武皇帝法性周圓仁慈普布化暨類則萬邦輻湊躋烝民於仁壽之鄉崇教法則四海雲從惠蒼生於富庶之域見尊經之浩汗設方便以救沉淪知法界之恢宏行精進而攝懈怠乃擇其邃宇校彼真文命天竺之高僧譯貝多之佛語象管翻成於金字珠編復置於琅函龍宮之聖藻惟新驚嶺之芟芻仰欵由是三乘共貫四諦同圓盡苦空真正之言顯秘密精研之義讚相相乎實相論空空乎盡空華嚴之理合軌轍金像之教同規矩朕續嗣丕構恭臨寶圖常翼翼而撫兆民每兢兢而守先訓以至釋典尤未精詳諒其幽深

頂生王第一卷

第四張

說字號

曷能探測有譯經西域僧法賢奏章懇切致意專勤以

先皇帝大闢真風高傳佛旨興前王之墜典振覺路之頽綱欲旌天造之功庸用廣

聖文之述作請予製序繼聖教焉自聖考上僊追號罔息政事之外何暇經心今已禪除思臻微奧雖幼承慈誨奈夙乏通才焉窮乎法海之津涯莫造乎空門之闕或略敷大意以徇輿情蹄泮不足擬浴日之波尺筵豈能量昊天之影聊述短序以紀聖功者焉

佛說頂生王因緣經卷第一

頂生王因緣經卷第一

佛世尊一時在舍衛國祇樹給孤獨園時憍薩羅國主勝軍大王來詣佛所到已頭面禮世尊足遶坐一面白佛言世尊世尊往昔為求阿耨多羅三藐三菩提時云何行施作諸福行佛言大王且止過去久遠劫事我念於此賢劫之中求阿耨多羅三藐三菩提時修布施行其事因緣汝當諦

頂生王第一卷

第五張

說字號

聽極善作意今為汝說大王此劫初時人壽無量歲今時有王名布沙陀其王頂上忽爾肉生如炮而軟如兜羅絲又如細氈亦無痛惱彼成熟已自然開裂生一童子最上色相端正可觀身如金色頭有旋文猶如妙蓋雙臂膈長頰廣平正眉復延袤鼻高脩直身分上下皆悉具足有三十二大丈夫相莊嚴其身童子生已入宮中王有六萬宮女眷屬見此童子乳自盈流各作是言我養太子由是立名呼為我養或有說言今此太子從頂上生應名頂生由是乃有呼頂生者或号我養者

時頂生太子在童子位嬉戲娛樂經六帝釋滅在太子位復經六帝釋滅太子一時出於王宮人民肆里次第遊觀乃至後時布沙陀王而忽寢疾侍臣奉以華菓根苗藥餌治療雖復勤力疾無瘳損其王即勅諸臣佐言汝等速為太子授王灌頂臣佐受命即遣使人誦太子所謂太子言父王寢疾拯療無損呼命太子今可速來

授王灌頂使屆中途王身已謝是時
臣佐復遣使人接踵而進謂太子言
父王已逝太子速來授王灌頂
時頂生太子即自惟忖父王已逝奔
往何及
時諸臣佐眾議一人近侍大臣誦太
子所白言太子願速來此授王灌頂
太子答言若我應統正法王位彼當
來此為我灌頂近臣復言太子授灌
頂者多有法儀謂應施設寶師子座
繒蓋寶冠是等所須此何能備禮法
又合於王城中作灌頂事是故太子
宜往宮中授王灌頂太子答言若我
應統正法王位一切所須今應自至
時頂生太子有一導翼夜叉神名林
舞迦即運神力追師子座繒蓋寶冠
一切所須乃至城邑聚落皆悉置於
太子之前一切觀者怪未曾有然後
臣佐人民及勝力兵眾等持妙繒帛
依灌頂法欲為太子授其灌頂作是
白言天子應授灌頂時太子言我今
何用人間繒帛為灌頂法繫於我頂
若我應統正法王位必有天妙繒帛

而為繫頂乃至其後自然天降殊妙
繒帛為灌頂事統輪王位即有七寶
隨時出現所謂輪寶象寶馬寶摩尼
珠寶玉女寶主藏神寶主兵神寶如
是七寶皆悉具足及有千子最上色
相勇猛無畏能伏他軍彼時有城亦
号廣嚴城中周而皆有稠密樹林人
所愛樂於其林中有五百仙人棲止
脩習五神通定是時林間多諸飛鳥
鷲鷲等類鳴噪喧煩妨所脩定中一
仙人名曰醜面生恚怒心即以呪句
呪鷲鷲群悉折其羽是時折羽鷲鷲
循地徐進咸詣頂生王門王方出行
適觀門左乃問近臣言何故此鷲鷲
群咸聚門側近臣答言天子群鳥棲
林巢鷲鷲禪定仙人恚怒呪折其羽循
地而來聚於王門王言此等仙人何
故於眾生中心無悲愍今宜勅遣彼
等仙眾速離我境臣佐奉命於仙人
所具宣王勅時諸仙眾即起是念今
此大王統四大洲最極自在我宜從
命往須彌山側棲止林間
尔時頂生王漸次思惟觀察稱量人

間所宜種種事業隨所思惟觀察稱
量已各各發起人間所有種類事業
其王出行初見人間耕植田里見已
乃問諸侍臣言此人所作名為何等
臣白王言天子此人耕耨其田植諸
種子隨所滋長而為活命王言我為
聖王何假人間耕植滋養自有天中
種子生成彼頂生王纔言念時有二
十七類種子自天而降其王即問諸
人眾言此由何人福力所致人眾答
言此由天子福力亦兼我等
復次彼王漸行又見農人種蒔氎衣
種子見已乃問諸近臣言此人所作
名為何等臣白王言天子此人種蒔
氎華樹種結實取絲可成氎衣王言
我為聖王何假人間植氎衣種自有
天中妙氎種子纔言念時妙氎衣種
自天而降其王即問諸人眾言此由
何人福力所致人眾答言此由天子
福力亦兼我等
復次彼王漸行又見農人紡氎衣線
見已乃問諸近臣言此人所作名為
何等臣白王言天子此人取絲紡線

頂生經第一卷

第九張

說字子

將成毘段王言我為聖王何假人間如是造作自有天中妙毘所用纜言念時妙毘衣線自天而降其王即問諸人衆言此由何人福力所致諸人衆言此由天子福力亦兼我等復次彼王漸行又見農人次第織毘衣段見已乃問諸近臣言此人所作名為何等臣白王言天子此人布設機杼織毘衣段王言我為聖王何假人間毘衣被身自有天中妙毘衣飾纜言念時上妙毘衣自天而降其王即問諸人衆言此由何人福力所致諸人衆言此由天子福力亦兼我等今時頂生王見是事已乃起思念我之福力今於此間未能顯發我已統治須彌山南外大海中此瞻部洲其內廣闊外如車形人民熾盛安隱豐樂又復國土城邑嚴麗所居人衆妙色可觀我有七寶所謂輪寶象寶馬寶摩尼珠寶玉女寶主藏神寶主兵神寶如是七寶皆悉具足及有千子最上色相身猛無畏能伏他軍若我有勝力者快哉今時願我宮中雨金

頂生經第一卷

第十張

說字子

錢七日乃至不使一錢墮於宮外王纜念時即於宮中天雨金錢數滿七日無一金錢墮於宮外隨其所作善根福力神通威德自受福果其王即問諸人衆言此由何人福力所致諸人衆言天子福力王言如汝向說兼汝等力何故今時天不雨金滿瞻部洲使一切人民隨所欲者悉能取之故知汝等宿因微抄佛言大王彼頂生王正法治世又經六帝釋滅復次頂生王謂導翼夜叉神祇舞迦言何處別有大洲為我所統祇舞迦答言天子須彌山東外大海中彼有大洲名曰勝身其內廣闊外如半月人民熾盛安隱豐樂又復國土城邑嚴麗所居人衆妙色可觀王應往彼隨宜化導時頂生王即自思惟我已統治此瞻部洲及有七寶千子圍繞宮中又雨金錢七日我又復聞須彌山東外大海中有勝身洲我今往彼而為化導王纜念時舉身空中與十八俱胝勝力兵衆及千子圍繞七寶導從剎那

頂生經第一卷

第十一張

說字子

即到東勝身洲大王彼頂生王於其洲中治化人民多百千歲隨彼衆生各各所作福行善力神通威德自受福果如是又經六帝釋滅復次頂生王謂導翼夜叉神祇舞迦言何處別有大洲為我所統祇舞迦答言天子須彌山西外大海中彼有大洲名曰牛貨內外周徧其相圓滿人民熾盛安隱豐樂又復國土城邑嚴麗所居人衆妙色可觀王應往彼隨宜化導時頂生王即自思惟我已統治彼瞻部洲七寶千子及雨金錢我復至此東勝身洲治化人民多百千歲今又復聞須彌山西外大海中有牛貨洲我今往彼而為化導王纜念時舉身空中與十八俱胝勝力兵衆及千子圍繞七寶導從剎那即到西牛貨洲大王彼頂生王於其洲中治化人民多百千歲隨彼衆生各各所作福行善力神通威德自受福果如是又經六帝釋滅復次頂生王謂導翼夜叉神祇舞迦

言何處別有大洲為我所統亦舞迦
答言天子須彌山北外大海中彼有
大洲名曰俱盧內外周徧其相四方
人民熾盛安隱豐樂又復國土城邑
嚴麗所居人眾妙色可觀又彼洲人
無我繫著無所攝屬王應往彼隨宜
化導

時頂生王即自思惟我已統治彼瞻
部洲七寶千子及雨金錢又往東勝
身洲而復至此西牛貨洲治化人民
多百千歲今又復聞須彌山北外大
海中有俱盧洲我今往彼而為化導
王纔念時舉身空中與十八俱胝勝
力兵眾及千子圍繞七寶導從往詣
北俱盧洲剎那即到須彌山側其王
遙見彼地白色見已即問夜叉神祇
舞迦言今此方處何故地白祇舞迦
答言天子此是北俱盧洲人所食香
稻其狀白色香味具足不假耕植自
然而生稻長四指無芒無穢清淨潔
白依時成熟彼洲人民不施其力取
以食之王今往彼亦取香稻而為其食
時王聞已謂臣佐言汝等見此地白

色不臣白王言唯然已見王言此是
北俱盧洲人所食香稻其狀白色香
味具足不假耕植自然而生稻長四
指無芒無穢清淨潔白依時成熟彼
洲人民不施其力取以食之汝等往
彼亦取香稻而為其食

時頂生王又於須彌山北遙見眾花
嚴樹圓無缺減殊妙可觀即問祇舞
迦言此是何等眾莊嚴樹祇舞迦答
言天子此是北俱盧洲人民所有四
種劫波衣樹謂青黃赤白其樹所出
四色妙衣彼洲人民若男若女須其
衣者纔起心時即彼樹枝自然低垂
恣其所取王今往彼亦被其衣
時王聞已謂臣佐言汝等見此眾莊
嚴樹圓無缺減不臣白王言唯然已
見王言此是北俱盧洲人民所有四
種劫波衣樹謂青黃赤白其樹所出
四色妙衣彼洲人民若男若女思其
衣者纔起心時即彼樹枝自然低垂
恣其所取汝等往彼亦被其衣大王
彼頂生王於北俱盧洲治化人民多
百千歲隨彼眾各各所作福行善

力神通威德自受福果如是又經六
帝釋滅
復次頂生王謂導翼夜叉神祇舞迦
言別有方處為我統不祇舞迦答言
天子無別方處為王所統有三十三
天長壽色相多諸快樂高廣樓閣久
固安居快樂天子宜往觀矚

轉頂生王即自思惟我已統治彼瞻
部洲七寶千子及雨金錢又往東勝
身洲西牛貨洲今又至此北俱盧洲
復聞有彼三十三天長壽色相多諸
快樂高廣樓閣久固安居我今宜應
往彼觀矚王纔念時舉身空中與十
八俱胝勝力兵眾及千子圍繞七寶
導從往須彌山外七重金山其王初
至你民達囉山其山嚴麗殊妙可觀
純金所成彼有四大王天諸天子眾
往復其間王以勝力兵眾於彼化導
又經六帝釋滅次至尾那怛計山其
山嚴麗殊妙可觀純金所成彼有四
大王天諸天子眾往復其間王以勝
力兵眾於彼化導又經六帝釋滅次
至馬耳山其山嚴麗殊妙可觀純金

頂生王因緣經卷第一 第五 解字

所成彼有四大王天諸天子衆往復其間王以勝力兵衆於彼化導又經六帝釋滅次至善見山其山嚴麗殊妙可觀純金所成彼有四大王天諸天子衆往復其間王以勝力兵衆於彼化導又經六帝釋滅次至佉祢羅迦山其山嚴麗殊妙可觀純金所成彼有四大王天諸天子衆往復其間王以勝力兵衆於彼化導又經六帝釋滅次至持軸山其山嚴麗殊妙可觀純金所成彼有四大王天諸天子衆往復其間王以勝力兵衆於彼化導又經六帝釋滅

佛說頂生王因緣經卷第一

講法華經上生 經講案沙門 日有...
 講法華經下生 經講案沙門 日有...
 講金光明經 經講案沙門 日有...
 講法華經 經講案沙門 日有...
 講法華經 經講案沙門 日有...

佛說頂生王因緣經卷第一

校勘記

- 一 底本，金藏廣勝寺本。
- 一 一九五頁中一行至次頁中一三行聖教序文，**磧**、**南**、**徑**、**清**無。
- 一 一九六頁中一五行譯者，**徑**、**清**作「宋西天三藏朝奉大夫試光祿卿傳法大師施護等奉詔譯」。以下各卷同。

講法華經上生 經講案沙門 日有...
 講法華經下生 經講案沙門 日有...
 講金光明經 經講案沙門 日有...
 講法華經 經講案沙門 日有...
 講法華經 經講案沙門 日有...

- 一 一九六頁中一九行第五、六字「世尊」，**磧**、**南**、**徑**、**清**無。
- 一 一九六頁中末行首字「善」，**磧**、**南**、**徑**、**清**、**麗**作「善」。
- 一 一九七頁上八行末字「當」，**麗**作「常」。
- 一 一九七頁上一〇行第七字「謂」，**磧**、**南**、**徑**、**清**作「詰」。
- 一 一九七頁上二一行「天子」，**磧**、**南**、**徑**、**清**作「太子」；**麗**作「大子」。
- 一 一九八頁上三行第六字「線」，**麗**作「緣」。
- 一 一九九頁中七行末字「花」，**麗**作「莊」。
- 一 一九九頁下八行首字「轉」，**磧**、**南**、**徑**、**清**、**麗**作「時」。
- 一 一九九頁下一九行「尾那怛計」，**徑**、**清**作「尾那怛計」。



佛說頂生王因緣經卷第二

說

吳郡無錫縣人法苑珠林卷之四十五 護法奉譯

復次持軸山後至持雙山其山嚴麗
殊妙可觀純金所成彼有四大王天
諸天子眾往復其間須彌山王高出
眾山此山王東有大天王名曰持國
所居宮城亦號持國其城縱廣正等
二百五十由旬周匝千由旬內外嚴
麗殊妙可觀城有金牆高半由旬金
城之上有四女牆金銀琉璃頗胝迦
作復有重牆通往來道亦四寶作其
城中地又復殊麗奇妙莊嚴有百一
種綵繪為飾地復柔軟如兜羅綿及
如妙氎下足隨陷舉足隨起有天曼
陀羅華散布其地深可膝量香風時
來吹去萎華更雨新者城中街衢長
二百五十由旬闊二十五由旬金沙
布地觸處徧灑旃檀香水金繩交絡
垂金鈴鐸以界道側街衢左右復有
種種清淨池沼金銀琉璃頗胝迦寶
以布其底池之四面有四梯陞四寶
所成底及層級亦四寶作又池沼中
有四寶臺間錯莊嚴若金為臺即銀

頂生王因緣

卷第二

說

為柱及以梁棟若銀為臺即金為柱
及以梁棟若琉璃為臺即頗胝迦為
柱及以梁棟若頗胝迦為臺即琉璃
為柱及以梁棟清涼甘美水滿池中
優鉢羅華鉢訥摩華俱母陀華奔拏
利迦華等徧覆其內復有種種水鳥
遊戲池中出妙音聲謂高遠聲悅意
聲美妙聲等彼池周匝復有種種華
樹菓樹直生端立圓無缺減如結蔓
師取以妙線妙巧安布盤結成蔓華
菓樹林亦復如是彼樹復有種種飛
鳥游止其上出妙音聲謂高遠聲悅
意聲美妙聲等又彼宮中有青黃赤
白四種劫波衣樹其樹所出四色妙
衣若彼天男及天女等思其衣者纔
起心時而自至手又彼宮中有其種
種妙音樂樹所謂簫笛琴笙篳篥等若
彼天男及天女等思音樂者纔起心
時其樂自鳴又彼宮中有其種種妙
莊嚴樹彼樹所出手釧足環及身莊
嚴妙好之具若彼天男及天女等思
莊嚴具者纔起心時而自至手又彼
宮中有四色蘇陀味食謂青黃赤白

頂生王經卷二

五

若彼天男及天女等思其食者纔起心時而自至手又有四種所飲之漿謂末度漿摩達網漿迦譚末梨漿播曩漿等而彼宮中有妙莊嚴殿堂樓閣諸天女眾或處其中安隱而坐或觀視游行悉有種種乘輿服飾莊嚴之具天女軒隘擊鼓奏歌藝眾名香豐諸飲食彼持國天王與諸眷屬嬉戲快樂隨自福力受斯勝果復次須彌山南有大天王名曰增長所居宮城亦號增長其城縱廣正等二百五十由旬周匝千由旬內外嚴麗殊妙可觀城有金牆高半由旬金城之上有四女牆金銀琉璃頗眩迦作復有重牆通往來道亦四寶作其城中地殊妙莊嚴有百一種絲繪為飾地復柔軟如兜羅絲及如妙氈下足隨陷舉足隨起有天曼陀羅華散布其地深可膝量香風時來吹去萎華更雨新者城中街衢長二百五十由旬闊二十五由旬金沙布地觸處徧灑旃檀香水金繩交絡垂金鈴鐸以界道側街衢左右復有種種清淨

頂生王經卷二

六

七

池沼金銀琉璃頗眩寶以布其底池之四面有四梯陞四寶所成底及層級亦四寶作又池沼中有四寶臺間錯裝嚴若金為臺即銀為柱及以梁棟若銀為臺即金為柱及以梁棟若琉璃為臺即頗眩為柱及以梁棟若頗眩為臺即琉璃為柱及以梁棟清涼甘美水滿池中優鉢羅華鉢訶摩華俱母陀華奔摩利迦華等徧覆其內復有種種水鳥游戲其中出妙音聲謂高遠聲悅意聲美妙聲等彼池周匝復有種種華樹果樹直生端立圓無缺減如結瓊師取以妙線妙巧安布盤結成瓊華果樹林亦復如是彼樹復有種種飛鳥游止其上出妙音聲謂高遠聲悅意聲美妙聲等又彼宮中有青黃赤白四種劫波衣樹其樹所出四色妙衣若彼天男及天女等思其衣者纔起心時而自至手又彼宮中有其種種妙音樂樹所謂簫笛琴箏篴等若彼天男及天女等思音樂者纔起心時其樂自鳴又彼宮中有其種種妙莊嚴樹彼

頂生王經卷二

第五

樹所出手釧足環及身莊嚴妙好之具若彼天男及天女等思莊嚴具者纔起心時而自至手又彼宮中有四種蘇陀味食謂青黃赤白若彼天男及天女等思其食者纔起心時而自至手又有四種所飲之漿謂末度漿摩達網漿迦譚末梨漿播曩漿等而彼宮中有妙莊嚴殿堂樓閣諸天女眾或處其中安隱而坐或觀視游行悉有種種乘輿服飾莊嚴之具天女軒隘擊鼓奏歌藝眾名香豐諸飲食彼增長天王與諸眷屬嬉戲娛樂隨自福力受斯勝果復次須彌山西有大天王名曰廣目所居宮城亦號廣目其城縱廣正等二百五十由旬周匝千由旬內外嚴麗殊妙可觀城有金牆高半由旬金城之上有四女牆金銀琉璃頗眩迦作復有重牆通往來道亦四寶作其城中地殊妙莊嚴有百一種絲繪為飾地復柔軟如兜羅絲及如妙氈下足隨陷舉足隨起有天曼陀羅華散布其地深可膝量香風時來吹去萎

法華經卷第二 第九張 說字號

種飛鳥游止其上出妙音聲謂高遠聲悅意聲美妙聲等又彼宮中有青黃赤白四種劫波衣樹其樹所出色妙衣若彼天男及天女等思其衣者纔起心時而自至手又彼宮中有其種種妙音樂樹所謂簫笛琴箏篪等若彼天男及天女等思音樂者纔起心時其樂自鳴又彼宮中有其種種妙莊嚴樹彼樹所出手釧足環及身莊嚴妙好之具若彼天男及天女等思莊嚴具者纔起心時而自至手又彼宮中有四色蘇陀味食謂青黃赤白若彼天男及天女等思其食者纔起心時而自至手又有四種所飲之漿謂末度漿摩達網漿迦譚末梨漿播囊漿等而彼宮中有妙莊嚴殿堂樓閣諸天女眾或處其中安隱而坐或觀視游行悉有種種乘輿服飾莊嚴之具天女駢隘擊鼓奏歌焚眾名香豐諸飲食彼多聞天王與諸眷屬嬉戲娛樂隨自福力受斯勝果如是又經六帝釋滅

復次持雙山側向者五百仙人棲止

頂生經卷第二 第十張 說字號

其間遙見頂生王來時醜面仙人忿恚而言彼闕諍王又復來此即舉雙手掬水灑彼導翼兵眾遮止前進時主兵神謂仙眾言修淨行者若生忿恚於一切處所作不成今此頂生王是大仁王非汝向者呪力能加

時頂生王漸至其所問言何人遮止兵眾不令前進主兵神答言仙眾遮止王言此諸仙眾於諸愛中何為最上主兵神答言仙尊所愛辯疑為上王言今斷其疑悉驅為我導翼之者王纔言已時彼仙眾其疑自斷自然各各手持弓矢將俟前驅時王女寶前白玉言天子此等仙眾是修行者願王放捨王言隨意時諸仙眾以精進力故證五神通

彼頂生王與自勝力兵眾舉身空中漸復前進其須彌山出水入水各八萬由旬四面各廣八萬由旬周匝三十二萬由旬下踞金所成地種種嚴麗四寶所成彼須彌山有四方面東面頗臚迦所成西面白銀南面瑠璃北面黃金又山四角凡有四峯彼東

法華經卷第二 第十一張 說字號

南峯縱廣正等一百二十五由旬周匝五百由旬高四由旬半瑠璃所成金剛手夜叉神止住其中西南峯縱廣正等一百二十五由旬周匝五百由旬高四由旬半頗臚迦所成金剛手夜叉神止住其中西北峯縱廣正等一百二十五由旬周匝五百由旬高四由旬半黃金所成金剛手夜叉神止住其中東北峯縱廣正等一百二十五由旬周匝五百由旬高四由旬半金剛手夜叉神止住其中

又須彌山有四層級其第一層傍出一萬六千由旬四寶所成有堅首天居止其中去第二層高一萬由旬其第二層傍出八千由旬四寶所成有持鬘天居止其中去第三層高一萬由旬其第三層傍出四千由旬四寶所成有常憍天居止其中去第四層高一萬由旬其第四層傍出二千由旬四寶所成有四大王天居止其中

佛說頂生王因緣經卷第二



趙城縣廣勝寺

佛說頂生王因緣經卷第三 說

吳郡經藏本太微先師傳法大師賜紫沙門 先德 等奉 詞譯

復次大王其上即是三十三天所居之處彼有龍王住於水際所謂難陀龍王烏波難陀龍王阿說多哩龍王母呬隣那龍王摩那斯龍王伊羅鉢怛羅龍王等住壽經劫護持世間力無能敵是諸龍王與堅首天持鬘天常驕天四大王天同為守護三十三天若阿修羅來鬪戰時即各對敵及為震警

今時頂生王將復前進為諸龍王遮止導翼兵眾王乃問言何不進邪時主兵神荅言天子此是龍王遮止兵眾王言而龍王者傍生之類非我所敵今悉驅令為我導翼言已諸龍即導王前至堅首天王所彼天王問言汝等何故奔馳來此諸龍荅言人間有三名曰頂生彼將至此故我導前時堅首天王即復遮止不令前進王乃問言何不進邪主兵神荅言天子此有堅首天王遮止兵眾王言此堅首天亦使為我導翼之者言已彼天

吳郡經藏本

第三卷

說

即導王前至持鬘天王所彼天王問言汝今何故奔馳來此天王荅言人間有三名曰頂生彼將至此故我導前時持鬘天王即復遮止不令前進王乃問言何不進邪主兵神荅言天子此有持鬘天王遮止兵眾王言此持鬘天亦使為我導翼之者言已彼天即導王前至常驕天王所彼天王問言汝今何故奔馳來此天王荅言人間有三名曰頂生彼將至此故我導前時常驕天王即復遮止不令前進王乃問言何不進邪主兵神荅言天子此有常驕天王遮止兵眾王言此常驕天亦使為我導翼之者言已彼天即導王前至四大天王所彼天王問言汝今何故奔馳來此天王荅言人間有三名曰頂生彼將至此故我導前時四大天王互相議曰此人間王具大福德有大名稱我等豈能與相違背言已俱詣帝釋天主所具陳上事時帝釋天主言此大福德有大名稱我亦不應與相違背言已即持妙闍伽瓶前起承迎

今時頂生王遙見須彌山上樹林蒼鬱其密如雲聳直紺青色狀殊麗乃問尊翼夜叉神彌舞迦言前有樹林斯名何等彌舞迦荅言天子此是三十三天中波利質多羅樹及俱毗陀羅樹等彼諸天衆夏四月中於其樹下五欲娛樂嬉戲自在天子今時往彼亦受斯樂時王聞已謂諸臣佐言汝等前見樹林如雲紺青不臣佐荅言唯然已見王言此是三十三天中波利質多羅樹及俱毗陀羅樹等彼諸天衆夏四月中於其樹下五欲娛樂嬉戲自在汝等往彼亦受斯樂時頂生王又復前進見須彌山上白雲高起聚若山峯復問彌舞迦言前有白雲聚若高峯斯名何等彌舞迦荅言天子此是三十三天中善法之堂彼天子衆與四大天王常共集會思惟觀察稱量世間若天若人諸所有事天子今時宜應往彼其王聞已謂諸臣佐言汝等前見白雲高起聚若山峯不臣佐荅言唯然已見王言此是三十三天中善法之堂彼天子衆

與四大天王常共集會思惟觀察稱量世間若天若人諸所有事汝等今時宜應往彼復次須彌山上三十三天中有善見城其城縱廣正等二千五百由旬周匝十千由旬有七重城彼一一城高一由旬半純金所成金城之上一一復有四種女牆金銀琉璃頗胝迦成復有重牆通往來道亦四寶成彼城中地有百一種采繪嚴飾又復柔軟如兜羅綿及如妙氈下足隨陷舉足隨起有天曼陀羅華散布其地深可膝量香風時來吹去萎華更雨新者彼善見城有一千一門其一門長二由旬半闊半由旬皆以牛頭栴檀香木所成彼一一門金銀琉璃頗胝迦寶間錯莊嚴狀如星象及半月相又一門各有一百青衣夜叉身被甲冑而作守衛又能護持三十三天諸天子衆作諸善利城中街衢長二百五十由旬闊十二由旬種種莊嚴金沙布地觸處徧灑旃檀香水金繩交絡垂金鈴鐸以界道側街衢左右

復有種種清淨池沼金銀琉璃頗胝迦等以布其底池之四面有四梯陞金銀琉璃頗胝迦成彼池沼中有四寶臺金銀琉璃頗胝迦等間錯莊嚴若金為臺即銀為柱及以梁棟若銀為臺即金為柱及以梁棟若琉璃為臺即頗胝迦為柱及以梁棟若頗胝迦為臺即琉璃為柱及以梁棟清涼甘美水滿池中優鉢羅華鉢訥摩華俱毋陀華奔拏利迦華等徧覆其內復有種種水鳥遊戲池中出妙音聲謂高遠聲悅意聲美妙聲等復有種種華樹果樹直生端立圓無缺減如結鬘師取以妙線妙巧安布盤結成鬘華果樹林亦復如是彼樹復有種種飛鳥遊止其上出妙音聲又被城中有青黃赤白四色劫波衣樹其樹所出四色妙衣若彼天男及天女等思其衣者纔起心時而自至手又有種種妙音樂樹所謂簫笛琴篋篋等若彼天男及天女等思音樂者纔起心時其樂自鳴又有種種妙莊嚴樹彼樹所出手釧足環及身莊嚴妙好

頂上經卷五 華蓋

第廿號

之具若彼天男及天女等思莊嚴具者纔起心時而自至手又有四色蘇陀味食謂青黃赤白若彼天男及天女等思其食者纔起心時而自至手又有四種所飲之漿謂末度漿摩達網漿迦譚末梨漿播囊漿等復有種種殊妙莊嚴殿堂樓閣諸天女眾或處其中安隱而坐或觀視遊行悉有種種輿輦服用莊嚴之具天女駢隘擊鼓奏歌薰衆名香豐諸飲食而彼天眾與諸眷屬嬉戲娛樂隨自福力受斯勝果

復次善見城東二十由旬有園名寶車縱廣正等二百五十由旬周匝千由旬內外嚴麗殊妙可觀園有金牆高半由旬金牆之上有四女牆金銀琉璃頗眩迦成復有重牆通往來道亦四寶作其園中地有百一種采繪嚴飾又復柔軟如兜羅綿及如妙氈下足隨陷舉足隨起有天曼陀羅華散布其地深可膝量香風時來吹去萎華更雨新者寶車園中有大池沿縱廣正等五十由旬周匝二百由旬

頂上經卷三

第七號

第廿號

金銀琉璃頗眩迦等以布其底池之四面有四梯陸金銀琉璃頗眩迦成彼池沼中有四寶臺金銀琉璃頗眩迦等間錯莊嚴若金為臺即銀為柱及以梁棟若銀為臺即頗眩迦為柱及以梁棟若琉璃為臺即頗眩迦為柱及以梁棟若頗眩迦為臺即琉璃為柱及以梁棟清涼甘美水滿池中優鉢羅華鉢訥摩華俱母陀華奔摩利迦華等徧覆其內復有種種水鳥遊戲池中出妙音聲謂高遠聲悅意聲美妙聲等復有種種華樹果樹直生端正圓無缺減如結髮師取以妙線妙巧安布盤結成曼華果樹林亦復如是彼樹復有種種飛鳥遊止其上出妙音聲觸處皆有青黃赤白四色劫波衣樹其樹所出四色妙衣又有種種妙音樂樹所謂蕭笛琴箏篪等又有種種妙莊嚴樹彼樹所出手釧足環及身莊嚴妙好之具又有四色蘇陀味食謂青黃赤白若彼天男及天女等隨所思者纔起心時而皆自至又有四種所飲之漿謂末度漿摩達

頂上經卷三

第八號

第廿號

網漿迦譚末梨漿播囊漿等復有種種殊妙莊嚴殿堂樓閣諸天女眾或處其中安隱而坐或觀視遊行悉有種種輿輦服用莊嚴之具天女駢隘擊鼓奏歌薰衆名香豐諸飲食而彼天眾與諸眷屬嬉戲娛樂隨自福力受斯勝果園中道路長二十由旬闊半由旬清淨嚴飾金沙布地觸處徧灑旃檀香水金繩交絡垂金鈴鐸道路左右亦有種種華果樹林飛鳥遊戲出妙音聲亦有四色劫波衣樹及音樂樹莊嚴樹等復有種種莊嚴輿輦謂象乘馬乘車乘寶輿若彼天男及天女等思其乘取往遊戲者纔起心時隨思即至乘已遊行受諸快樂此園何故名為寶車謂此園中所有池沼華果樹林衣服嚴具及天女等皆以眾寶所莊嚴故又有寶車諸天子眾乘取遊戲以是緣故名寶車園復次寶車園東二十由旬有寶嚴地縱廣正等二百五十由旬周匝千由旬有百一種采繪嚴飾清淨柔軟其地中間有四寶臺間錯莊嚴天曼陀

及中三卷第三卷

第十卷

小字

存疑校勘佛經生經法法智大師釋法沙門

有疑義請前經師論其法論師釋法沙門

每部經其後卷經生經法法智大師釋法沙門

梵學慧 惟大師釋法沙門

梵學演法 大師釋法沙門

佛說頂生王因緣經卷第三

佛說頂生王因緣經卷第三

佛說頂生王因緣經卷第三

校勘記

- 一 底本，金藏廣勝寺本。
- 一 二〇七頁中四行第六字「上」，**磧**、**南**、**徑**、**清**作「王」。
- 一 二〇七頁下八行「清涼」，**磧**、**南**、**徑**、**清**作「清淨」。
- 一 二〇七頁下一六行末字「城」，**徑**作「池」。
- 一 二〇八頁中六行末字至七行第三字「及以梁棟」，**磧**、**南**、**徑**、**清**無。
- 一 二〇八頁下四行「駢隘」，**磧**作「駢隘」。

佛說頂生王因緣經卷第四

佛說頂生王因緣經卷第四 佛說頂生王因緣經卷第四

復次嚴堅園南二十由旬有嚴堅地
縱廣正等二百五十由旬周匝千由
旬有百一種采繪嚴飾清淨柔軟其
地中間有四寶臺間錯莊嚴天曼陀
羅華散布其地道路長二十由旬間
半由旬清淨嚴飾華果樹林衣服音
樂莊嚴等樹一一具足亦有與輦隨
思即至受諸快樂彼有天仙修習梵行
復次善見城西二十由旬有園名雜
種縱廣正等二百五十由旬周匝千
由旬內外嚴麗殊妙可觀園有金牆
高一由旬金牆之上有四女塔金銀
琉璃頰胎迦成復有重牆通往來道
亦四寶作其園中地有百一種采繪
嚴飾又復柔軟如兜羅絲及如妙毘
下足隨陷舉尺隨起有天曼陀羅華
散布其地深可膝量香風時來吹去
萎華更雨新音雜種園中有天池沼
縱廣正等五十由旬周匝二百由旬
金銀琉璃頰胎迦等以布其底池之
四面有四梯陞金銀琉璃頰胎迦成

彼池沼中有四寶臺金銀琉璃頰胎
迦等間錯莊嚴若金為臺即銀為柱
及以梁棟若銀為臺即金為柱及以
梁棟若琉璃為臺即頰胎迦為柱及
以梁棟若頰胎迦為臺即琉璃為柱
及以梁棟清涼甘美水滿池中優鉢
羅華鈴訥摩華俱母陀華奔孛利迦
華等徧覆其內復有種種水鳥游戲
池中出妙音聲謂高遠聲悅意聲美
妙聲等復有種種華樹果樹直生端
立圓無缺減如結髮師取以妙線妙
巧安布盤結成髮華果樹林亦復如
是彼樹復有種種飛鳥游止其上出
妙音聲觸處皆有青黃赤白四色劫
波衣樹其樹所出四色妙衣又有種
種妙音樂樹所謂蕭笛琴篋篋等又
有種種妙莊嚴樹彼樹所出手釧足
環及身莊嚴妙好之具又有四色蘇
陀味食謂青黃赤白若彼天男及天
女等隨所思者纒起心時而皆自至
又有四種所飲之漿謂末度漿摩達
網漿迦譚末梨漿播囊漿等復有種
種殊妙莊嚴殿堂樓閣諸天女等或

處其中安隱而坐或觀視游行悉有
種種輦服用莊嚴之具天女駢隘
擊鼓奏歌藝眾名香豐諸飲食而彼
天眾與諸眷屬嬉戲娛樂隨自福力
受斯勝果園中道路長二十由旬間
半由旬清淨嚴飾金沙布地觸處徧
灑旃檀香水金繩交絡垂金鈴鐸道
路左右亦有種種華果樹林飛鳥游
戲出妙音聲亦有四色劫波衣樹及
音樂樹莊嚴樹等復有四種莊嚴輦
輦謂象乘馬乘車乘寶輿若彼天男
及天女等思其乘取往游戲者纒起
心時隨思即至乘已游行受諸快樂
此園何故名為雜種謂此園中所有
池沼華果樹林衣服嚴具及天女等
種種雜故又此園中諸天子眾以雜
種類嬉戲娛樂由是緣故名雜種園
復次雜種園西二十由旬有雜種地
縱廣正等二百五十由旬周匝千由
旬有百一種采繪嚴飾清淨柔軟其
地中間有四寶臺間錯莊嚴天曼陀
羅華散布其地道路長二十由旬間
半由旬清淨嚴飾華果樹林衣服音

頂五百等經卷第四 第五段 樂

樂莊嚴等樹一一具足亦有輿輦隨
 思即至受諸快樂彼有天仙修習梵行
 復次善見城北二十由旬有園名歡
 喜縱廣正等二百五十由旬周匝千
 由旬內外嚴麗殊妙可觀園有金牆
 高一由旬金牆之上有四女牆金銀
 琉璃頗壯成復有重牆通往來道
 亦四寶作其園中地有百一種采繪
 嚴飾又復柔軟如兜羅綿及如妙毼
 下足隨陷舉足隨起有天曼陀羅華
 散布其地深可騰量香風時來吹去
 萎華更雨新者歡喜園中有大池沼
 縱廣正等五十由旬周匝二百由旬
 金銀琉璃頗壯等以布其底池之
 四面有四梯陞金銀琉璃頗壯成
 彼池沼中有四寶臺金銀琉璃頗壯
 迦等閒錯莊嚴若金為臺即銀為柱
 及以梁棟若銀為臺即金為柱及以
 梁棟若琉璃為臺即頗壯為柱及
 以梁棟若頗壯為臺即琉璃為柱
 及以梁棟清涼甘美水滿池中優鉢
 羅華鉢訥摩華俱母陀華奔拏利迦
 華等徧覆其內復有種種水鳥游戲

頂五百等經卷第四 第五段 樂

池中出妙音聲謂高遠聲悅意聲美
 妙聲等復有種種華果樹直生端
 立圓無缺滅如結瓊師取以妙線妙
 巧安布盤結成瓊華果樹林亦復如
 是彼樹復有種種飛鳥游止其上出
 妙音聲觸處皆有青黃赤白四色劫
 波衣樹其樹所出四色妙衣又有種
 種妙音樂樹所謂簫笛琴箏篪等又
 有種種妙莊嚴樹彼樹所出手劍足
 環及身莊嚴妙好之具又有四色蘇
 陀味食謂青黃赤白若彼天男及天
 女等隨所思者纔起心時而皆自至
 又有四種所飲之漿謂末度漿摩達
 網漿迦譚末梨漿播曇漿等復有種
 種殊妙莊嚴殿堂樓閣諸天女等或
 處其中安隱而坐或觀視游行悉有
 種種輿輦服用莊嚴之具天女駢陞
 擊鼓奏歌藝眾名香豐諸飲食而彼
 天眾與諸眷屬嬉戲娛樂隨日福力
 受斯勝果園中道路長二十由旬間
 半由旬清淨嚴飾金沙布地觸處徧
 灑旃檀香水金繩交絡垂金鈴鐸道
 路左右亦有種種華果樹林飛鳥游

頂五百等經卷第四 第六段 樂

戲出妙音聲亦有四色劫波衣樹及
 音樂樹莊嚴樹等復有四種莊嚴輿
 輦謂象乘馬乘車乘寶輿若彼天男
 及天女等思其乘馭往游戲者纔起
 心時隨思即至乘已游行受諸快樂
 此園何故名為歡喜謂此園中所有
 池沼華果樹林衣服嚴具及天女等
 彼諸天眾隨所受用嬉戲娛樂隨自
 福力心生適悅歡喜快樂以是緣故
 名歡喜園
 復次歡喜園北二十由旬有歡喜地
 縱廣正等二百五十由旬周匝千由
 旬有百一種采繪嚴飾清淨柔軟其
 地中間有四寶臺閒錯莊嚴天曼陀
 羅華散布其地道路長二十由旬間
 半由旬清淨嚴飾華果樹林衣服音
 樂莊嚴等樹一一具足亦有輿輦隨
 思即至受諸快樂彼有天仙修習梵行
 復次善見天城東北有樹名波利質
 多羅俱毗陀羅其樹盤根五十由旬
 一一樹枝出五十由旬彼第一枝東
 出五十由旬第二枝南出五十由旬
 第三枝西出五十由旬第四枝北出

五十由旬中枝上出高聳虛空五十
 由旬其樹高一百五十由旬徑五十
 由旬周匝三百由旬妙香順風聞百
 由旬逆風五十由旬色光明照八十
 由旬枝葉華果開落依時所有三十
 三天衆若見此樹半勞鉢羅輸時心
 生歡喜彼諸天衆游行戲樂
 其樹非久又見尸蘭拏鉢羅輸彼諸
 天衆心生歡喜游行戲樂
 其樹非久又見惹羅迦惹觀彼諸天
 衆心生歡喜游行戲樂
 其樹非久又見又囉迦惹觀彼諸天
 衆心生歡喜游行戲樂
 其樹非久又見骨砧摩羅迦惹觀彼
 諸天衆心生歡喜游行戲樂
 其樹非久又見迦迦寫葛惹觀彼諸
 天衆心生歡喜游行戲樂
 其樹非久又見芳威普徧開敷彼諸
 天衆見是波利質多羅俱毗陀羅樹
 徧開敷已心生歡喜夏四月中於其
 樹下五欲娛樂嬉戲自在隨自福力
 受斯勝果
 佛言大王福威力故彼三十三天中

波利質多羅俱毗陀羅樹勝異如是
 復次三十三天波利質多羅俱毗陀
 羅樹下有雜飾地縱廣正等五十由
 旬周匝二百由旬殊麗可觀有百一
 種采繪嚴飾清淨柔軟如兜羅絲及
 如妙氈下足隨陷舉足隨起天曼陀
 羅華散布其地香風時來吹去萎華
 更雨新者其中布以純金所成最勝
 賢座帝釋天主處于座上彼三十三
 天諸天子衆夏四月中游止其間五
 欲娛樂嬉戲自在
 又復雜飾柔軟周匝於地復有種種
 華樹果樹直生端立圓無缺減如結
 纒師取以妙線妙巧安布盤結成纒
 華果樹林亦復如是有衆飛鳥游止
 其上出妙音聲又有四色劫波衣樹
 其樹所出四色妙衣又有種種妙音
 樂樹所謂蕭笛琴箏篪等又有種種
 妙莊嚴樹彼樹所出手釧足環及身
 莊嚴妙好之具又有四色蘇陀味食
 謂青黃赤白若彼天男及天女等隨
 所思者而皆自至又有四種所飲之
 漿謂末度漿摩達網漿迦譚末梨漿

描裏漿等復有種種殊妙莊嚴殿堂
 樓閣諸天女等或處其中安隱而坐
 或觀視游行悉有種種典葷服用莊
 嚴之具天女駢隘擊鼓奏歌藝衆名
 香豐諸飲食而彼天衆與諸眷屬夏
 四月中五欲娛樂嬉戲自在隨自福
 力受斯勝果

佛說頂生王因緣經卷第四
 甲辰歲高麗國大藏都監奉
 勅彫造

佛說頂生王因緣經卷第四
 校勘記

- 一 底本，麗藏本。
- 一 二一頁下一二行「天女」，徑、清作「玉女」。
- 一 二一頁上一二行「清涼」，續、南、徑、清作「清淨」。
- 一 二一二頁下一八行第二字「即」，續、南、徑、清作「而」。

越城縣廣勝寺



佛說頂生王因緣經卷第五

馳

西天經三藏經卷第五 佛說頂生王因緣經卷第五 越城縣廣勝寺

復次三十三天有大象王名愛羅縛
 擊守衛園苑身相可觀純色潔白如
 俱母陀花七支柱地象王頭相最勝
 妙好內赤外青如帝青色具有六牙
 身長二由旬半前後平闊各一由旬
 周帀七由旬高一由旬半又彼象王
 有八千象而為眷屬身皆白色如俱
 母陀花七支柱地一一象頭具足色
 相亦如帝青各有六牙若彼天眾思
 出游賞諸園苑時其愛羅縛擊象王
 即自知時應彼所欲乃以神力出現
 三十二頭其一頭各有六牙一一
 牙上有七七池沼一一池沼有七七
 蓮花一一花中有七七臺一一臺中
 有七七樓閣一一樓閣中有七七守
 衛者一一守衛者有七七天女一一
 天女有七七侍女一一侍女鳴七七
 天鼓而象王所有最勝頭相帝釋御
 之其三十二天於所化頭如次安處
 餘諸天眾隨應而住象王行時逆猶
 風轉天子天女皆悉不能瞻其前後

又復愛羅縛擊象王乘載夫眾周行
 三十三天中出一一城至一一園皆
 以神通變化之力攝自本形如諸天
 子天女神通成德之相同彼天眾五
 欲娛樂嬉戲自在隨應福力受斯勝
 果佛言大王彼三十三天中守衛園
 苑者愛羅縛擊象王威力如是
 復次善見天城西南有善法堂長三
 百由旬闊共三百由旬周帀九百由
 旬高三百五十由旬殊麗可觀其善
 法堂以頗胝迦為地樓閣梯陛亦頗
 胝迦所成有四寶臺金銀琉璃頗胝
 迦等間錯莊嚴若金為臺即銀為柱
 及以梁棟若銀為臺即金為柱及以
 梁棟若琉璃為臺即頗胝迦為柱及
 以梁棟若頗胝迦為臺即琉璃為柱
 及以梁棟
 又善法堂道路回環清淨嚴飾金沙
 布地觸處徧灑旃檀香水金繩交絡
 垂金鈴鐸以界道側復有種種華樹
 果樹直生端立圓無缺減如結髮師
 取彼妙線妙巧安布盤結成段華果
 樹林亦復如是彼樹復有種種飛鳥

游止其上出妙音聲又有青黃赤白
四色劫波衣樹其樹所出四色妙衣
又有種種妙音樂樹所謂簫笛琴瑟
篪等又有種種妙莊嚴樹彼樹所出
手釧足環及身莊嚴妙好之具又有
四色蘇陀味食謂青黃赤白又有四
種甘美之漿謂未度漿摩達網漿迦
譚末梨漿播曇漿等若彼天男及諸
天女隨所思者纒起心時而皆自至
復有種種殊妙莊嚴殿堂樓閣諸天
女眾或處其中安隱而坐或觀視游
行悉有種種輦車服用莊嚴之具天
女駢隘擊鼓奏歌藝眾名香豐諸飲
食而彼天眾與諸眷屬嬉戲娛樂隨
自福力受斯勝果
又善法堂側有七流渠各各深廣一
由旬量金銀琉璃頗胝迦等以布其
底渠水四面有四梯陞亦四寶成及
四寶臺金銀琉璃頗胝迦等間錯莊
嚴若金為臺即銀為柱及以梁棟若
銀為臺即金為柱及以梁棟若琉璃
為臺即頗胝迦為柱及以梁棟若頗
胝迦為臺即琉璃為柱及以梁棟而

彼渠水清涼甘美充滿其中優鉢羅
花鉢訥摩花俱母陀花奔拏利迦花
等徧布其內復有種種水鳥遊戲出
妙音聲花果樹林衣服香樂莊嚴等
樹一一具足是七梁內復有種種殊
麗亭臺彼諸天眾遊戲快樂
又善法堂其門崇麗上有重閣傍列
梯陞殊妙莊嚴一一梯陞有十六柱
及有七重道路行列四環於道路傍
有八角柱琉璃所成清淨嚴好上布
如毛端量微妙樓閣不相觸礙於善
法堂中有最勝賢座純金所成帝釋
天主安處其上餘諸天眾如次設座
最後安布頂生王座
尔時帝釋天主與諸天眾持闍伽餅
前起承迎彼頂生王
時頂生王大威德者板次而入餘諸
侍從各列于外王乃惟忖我今亦應
處是座邪又念帝釋天主若分半座
命我同坐豈不悅哉佛言大王彼頂
生王作是念時帝釋即知乃分半座
命其同坐
時頂生王與帝釋天主共處其座大

小身相容止威光音聲語言及莊嚴
具悉無有別唯主目瞬異於天主佛
言大王彼頂生王止于三十三天如
是又經六帝釋滅
復次後時彼三十三天眾與阿脩羅
而共鬪戰若阿脩羅兵力退敗即入
自宮局鑄其門潛伏而住若天退敗
即入天宮局鑄其門潛伏而住
復次三十三天又有象王名曰善住
身相可觀純色潔白如俱母陀花七
支柱地象王頭相內赤外青如帝青
色具有六牙身長二由旬半前後平
闊各一由旬周匝七由旬高一由旬
半有八千象而為眷屬身皆白色如
俱母陀花七支柱地一一象頭具足
色相亦如帝青各有六牙其善住象
王冬四月中與自眷屬於阿脩羅所
居之處鄰近接止
復次香醉山北二十由旬近阿脩羅
所居之處有一高阜縱廣正等五十
由旬周匝二百由旬高三由旬半純
金所成其地嚴飾布以金沙觸處徧
灑旃檀香水金繩交絡垂金鈴鐸自

然除去荆棘沙磔於其四面復有八千諸小丘阜亦金所成地布金沙觸處徧灑旃檀香水金繩交絡垂金鈴鐸自然除去荆棘沙磔其中道路長二十由旬闊一由旬半皆悉清淨嚴麗可觀若善住象王夏四月中於彼高阜之處隨棲止時而彼八千諸象眷屬亦悉次第圍繞而住為其象王密以守護

復次高阜之南二十由旬有大娑羅樹王名曰善住七重行列衆娑羅樹周匝圍繞其善住樹王盤根十四磔手第一行樹盤根十三磔手第二行樹十二磔手第三行樹十一磔手第四行樹十磔手第五行樹九磔手第六行樹八磔手第七行樹七磔手量善住樹王枝葉繁茂鬱密垂覆第一行樹第一行樹還復垂覆第二行樹如是第三乃至第六次第垂覆第七行樹枝葉扶踈高出象廓其地清淨嚴麗可觀彼中道路長二十由旬闊一由旬半亦悉清淨

若時善住象王從棲止處往彼善住

娑羅樹王之所或起本形隨意而往或以神通威德之力現天人相還乘一象或御其肩或御其頭自然空中鼓樂歌音遊戲而行若復象王於樹王所隨棲止時即彼八千諸象眷屬於七重行列娑羅樹間內向而住如其第一行樹內向而住第二第三乃至第七內向亦然為其象王密以守護

復次善住娑羅樹王之東二十由旬有大池沼名滿陀吉你縱廣正等五十由旬周匝二百由旬清涼甘美水滿池中優鉢羅花鉢訥摩花俱母陀花奔拏利迦花等徧布其內水鳥游戲出妙音聲謂高遠聲悅意聲美妙聲等池中蓮花大若車輪花莖復大如車之軌葉妙而廣同牛王領其藕臚圓如士夫脰藕味最上其甘如乳池之四面復有八千池沼而悉嚴麗池水充滿亦有妙花徧布其內水鳥遊戲出妙音聲池中蓮花大若車輪莖葉及根宗悉廣大

復次彼中道路長二十由旬闊一由旬半嚴麗清淨金沙布地觸處徧灑

旃檀香水金繩交絡垂金鈴鐸自然除去荆棘沙磔

若時善住象王從善住娑羅樹王之所往彼滿陀吉你池沼或起本形隨意而往或以神通之力現天人相還乘一象或御其肩或御其頭自然空中鼓樂歌音遊戲而行若復象王入彼池中娛樂之時所有八千諸象眷屬亦於其中圍繞而住為其象王常以守護

復次善住象王於其池內恣娛樂已憇於池岸時八千象中最上首者即入池內取以藕牙浣滌潔淨奉象已前而供飼之象王食已飽滿豐足諸象眷屬次第還入彼池沼中各各隨意共嬉戲已亦取藕芽滌淨而食佛言大王彼三十三天所有善住象王威力如是

復次其後彼阿脩羅嚴整四兵所謂象兵馬兵車兵步兵而被四種堅固甲冑金銀琉璃頗胝迦等間錯莊嚴執持四種鋒銳器仗謂弓劍鏃刀從自宮出求與三十三天衆而共圍戰

時水居龍王見是阿脩羅嚴四兵眾
 被以甲冑執持利器出阿脩羅宮求
 天闕戰龍王見已亦整四兵被以甲
 冑金銀瑠璃頗脰迦等四寶莊嚴執
 持器仗與阿脩羅而共闕戰若龍王
 得勝阿脩羅眾退敗之時其阿脩羅
 即入自宮若阿脩羅得勝龍王退敗
 之時是即三十三天第一守護者兵
 力破散乃從大海奔詣須彌山王第
 一層級彼有堅首天王止住其間
 尔時堅首天王乃與水居龍王合集
 同力而共戰彼阿脩羅眾若二守護
 者得勝阿脩羅眾退敗之時即入自
 宮若阿脩羅得勝彼二守護者退敗
 之時是即三十三天二守護者兵力
 破散乃從須彌山王第一層級詣第
 二層彼有持鬘天王止住其間
 佛說頂生王因緣經卷第五

佛說頂生王因緣經卷第五

校勘記

- 一 底本，金藏廣勝寺本。二一四頁
 中原版缺，以麗藏本補。
- 一 二一四頁中九行「八千」，磧、南、
徑、清作「八十」。
- 一 二一四頁中一三行末字「現」，磧、
南、徑、清無。
- 一 二一四頁下六行「守衛」，磧、徑、
清作「守護」。
- 一 二一六頁中一行末字「往」，徑作
 「住」。
- 一 二一六頁中一七行「士夫」，磧作
 「大夫」。
- 一 二一六頁中二一行第五字「宗」，
徑、清、麗作「亦」。
- 一 二一六頁下三行「婆羅」，磧、南、
徑、清作「娑羅」。
- 一 二一六頁下九行末字「常」，麗作
 「密」。
- 一 二一六頁下一二行末字「即」，麗

作「先」。

- 一 二一六頁下一三行末字「已」，南、
徑、清、麗作「王」。
- 一 二一六頁下二二行「鏘刀」，徑、清、
 作「槍刀」。
- 一 二一七頁上九行第三字「散」，磧、
南、徑、清作「敗」。

佛說頂生王因緣經卷第六 馳

莫羅經卷第六 佛說頂生王因緣經卷第六 馳

尔時持鬘天王堅首天王水居龍王
三守護者合集同力與阿脩羅而共
鬪戰若三守護者得勝阿脩羅眾退
敗之時即入自宮若阿脩羅得勝三
守護者退敗之時是即三十三天三
守護者兵力破散乃從須彌山王第
二層級詣第三層彼有常憍天王止
住其間

尔時常憍天王持鬘天王堅首天王
水居龍王合集同力與阿脩羅而共
鬪戰若四守護者得勝阿脩羅眾退
敗之時即入自宮若阿脩羅得勝四
守護者退敗之時是即三十三天四
守護者兵力破散乃從須彌山王第
三層級詣第四層彼有四大天王止
住其間

尔時四大天王常憍天王持鬘天王
堅首天王水居龍王合集同力與阿
脩羅而共鬪戰若五守護者得勝阿
脩羅眾退敗之時即入自宮若阿脩
羅得勝五守護者退敗之時是即三

頂生王因緣經卷第六 馳
十三天五守護者兵力破散乃從須
彌山王第四層級上起至于三十三
天帝釋居處迄至最後阿脩羅眾戰
敵破散五護兵已復整四兵詣帝釋
所以求鬪戰

尔時四大天王即詣帝釋宮中到已
白言天主阿脩羅眾嚴以四兵力來
求戰天中五護破散奔馳于今還來
至天主所彼眾疆勝我等不加天主
今時願施戰力

尔時帝釋天主聞是語已告三十三
天眾言仁等當知阿脩羅眾疆力鬪
敵五護破散還復來此求戰於我仁
等今時宜施勇力

尔時帝釋天主即起是念善住象王
所應乘御時善住象王知天主念譬
如壯士屈伸臂頃於賻部洲所居處
隱詣三十三天乃現三十二頭其一
一頭各有六牙一一牙上有七七池
沼一一池沼有七七蓮花一一花中
有七七臺一一臺中有七七樓閣一
一樓閣中有七七守衛者一一守衛
者有七七天女一一天女有七七侍

頂生王因緣經卷第六 馳
女一一侍女鳴七七天鼓而象王所
有最勝頭相帝釋御之其三十二天
於所化頭如次安處餘諸天眾隨應
而住象王行時遂猶風轉天子天女
皆悉不能瞻其前後時善住象王至
三十三天已出于南門詣嚴堅園以
自神力現天人相與諸天眾嬉戲娛樂

尔時帝釋天主乘御象王嚴整四兵
悉被四寶莊嚴甲冑執持四種鋒銳
器仗將與阿脩羅眾而共鬪戰時頂
生王見斯事已白帝釋言天主汝今
且置戰事我欲與之較其兵力天主
答言隨汝所欲今正是時

時頂生王與十八俱胝勝力兵眾上
昇空中調弓振弦遂發其聲阿脩羅
眾聞是聲已問言何人振弦之聲知
者答曰是頂生王振弦之聲時阿脩
羅心生驚異又復法尔阿脩羅眾與
天戰時兵力齊等無所增減其頂生
王纔出兵眾勇力疆勝過阿脩羅昇
空而住時阿脩羅作是念言我久聞
其人中王者名曰頂生勇猛正士具
大福德威德特尊無與等者高出虛

空踰於我等作是言已即懷怖退

入自宮

時頂生王問目佉言今此兵衆孰爲勝邪目佉答言王今得勝王輒思念而我勝此三十三天我已統治南瞻部洲東勝身洲西牛貨洲北俱盧洲具足七寶及有千子最上色相勇猛無畏能伏佉軍又於宮中兩金錢七日復至三十三天入帝釋宮登善法堂趣于半座若帝釋天主於此座中即謝世去我統天界亦爲人王天人中勝豈不使哉其王纔起念時神通威力即便滅失還復墮於瞻部洲中本居宮室旋生病惱逼切其身加復羸困近死邊際是時目佉之中有者年上首者前詣王所而白王言天子後或有人來發問言頂生大王臨謝世時有何言說當云何答王謂之曰我謝世後或有人來發是問時汝應答云頂生大王威德特尊七寶具足獨具人中四種神力何等爲四頂生大王得壽命長久住世間惣經一百一十有四帝釋謝滅是爲第一壽命

神力又頂生王最上容儀殊妙可觀超人狀貌具天色相是爲第二色相神力又頂生王諸所受用皆悉具足少病少惱色力康疆飲啖味全食銷無患不冷不熱時序合度隨所資治悉獲安樂是爲第三無病神力又頂生王一切人衆見者愛樂瞻仰無厭猶子戀父又復王者撫育人民生喜樂心如父愛子或時王出游觀園苑謂御者言汝可徐徐駕車而進使其容緩人獲觀瞻又復衆人告御者曰仁者駕車幸當徐進令我盤桓觀王相好是爲第四愛樂神力又頂生王統四大洲爲最勝主後詣三十三天帝釋分其半座具如是事復於五欲不生厭足將謝世時說伽陀曰
苦哉世間貪欲境 金寶雖豐無厭足
是中樂少苦還多 智者如應能覺了
乃至天中妙欲樂 貪愛心故不解脫
何人能盡於愛源 唯佛如來聖弟子
假使廣積甚具資 與須彌山量齊等
無人能生厭足心 智者於斯而善覺
若思所欲爲苦因 彼於欲境何貪愛

命終
復次頂生王廣爲利益於後人故復說伽陀曰
極惡生死流轉中 了知壽命隨滅少
應當速脩諸福門 不脩福行斯爲苦
是故脩福爲勝欲 隨應行施如法儀
此世及於他世中 由脩福故生歡喜
介時國中一切人民無數百千之衆聞王寢疾悉來奔詣瞻仰致問時頂生王爲諸人衆以如是種貪欲等緣廣說對治使諸人輩捨家學道是時即有無數百千人衆聞所說已而悉出家脩四梵行復有多人斷除欲貪生于梵世
佛言大王彼頂生王始自初居童子之位至太子位及南瞻部洲東勝身洲西牛貨洲北俱盧洲統輪王位又於七金山住乃至詣彼三十三天歷

佛生王經卷第六 第七

諸分位於其中間惣經一百一十有四帝釋謝滅大王當知帝釋壽量者人間百年三十三天為一晝夜三十晝夜而為一月亦十二月乃成一年天中千年是彼壽量以彼千年校計人間即三俱胝六百萬歲

復次大王其頂生王昔於三十三天起念欲其帝釋天主分子半座是時迦葉苾芻方為帝釋又頂生王復起是念若帝釋天主於此座中即謝世去天上人間我為王者豈不快哉是時迦葉如來為帝釋天主其頂生王具大勝福有大大稱於一念中起心過失滅沒神力還復退墮疾惱所纏而謝世去佛言大王彼頂生王者豈異人乎即我身是我於余時廣施衆生利益安樂趣無上智然於阿耨多羅三藐三菩提多諸魔障由因緣力之使然故

余時憍薩羅國主勝軍大王忽生疑念前白佛言世尊彼頂生王久遠因中脩何行業而能感此宮中自然雨金錢七日佛言大王過去久遠有佛

佛生王經卷第六 第八

出世号一切增上如來應供正等正覺明行足善逝世間解無上士調御丈夫天人師佛世尊是時有長者子於彼國中與一童女依世法儀婚夫婦事其婦持以四寶所成妙華及甘美飲膳而奉於夫其夫受已持是寶華乘車而歸於其中路見彼一切增上如來應供正等正覺次第經游序而行其長者子見佛世尊三十二相殊妙莊嚴即起最上清淨信樂下車肅恭持華奉獻以佛世尊威神力故即變其華大若車輪盤旋空中或飄或止時長者子起清淨心說伽陀曰

以此布施廣大因 得佛世間自然智
願我速越生死流 先佛未度者皆度
一切增上佛大德 我所奉上悅意華
願我以此廣大因 圓滿所求無上道
佛言大王彼頂生王以是因故於自宮中雨金錢七日

余時勝軍大王復白佛言世尊彼頂生王又以何緣於四大洲統輪王位乃能至于三十三天佛言大王過去久遠有佛出世号毗婆尸如來應供

佛生王經卷第六 第九

正等正覺明行足善逝世間解無上士調御丈夫天人師佛世尊是佛以其正法教化衆生次第至于滿度摩帝城一時如來入城乞食時有商主名曰廣作見於如來巡行乞食勝相希有發清淨心持少綠豆擲置鉢內以奉世尊時豆四粒入于鉢中一粒旋轉擊鉢振聲然後墮地餘豆亦還流散于地時彼商主見是相已起清淨心即以伽陀發誓願言

以此布施廣大因 得佛世間自然智
願我速越生死流 先佛未度者皆度
佛言大王是時商主於毗婆尸如來所雖以少物施佛世尊由心清淨彼時四豆入於鉢中後感報應於四大洲統輪王位其有一豆擊鉢振聲方墮地者後感報應能至三十三天又復大王而彼一豆若不墮地得置鉢中後必報應為天中主由墮地故但統人間不為天主大王彼商主者即頂生王是由於佛所種是善根以彼世尊大悲攝受故得大果報具大名稱有大威光是故大王其有智者於

稱有大威光是故大王其有智者於

佛世尊隨力所應備諸施行如其所

說當如是學

佛說頂生王因緣經卷第六

甲辰歲高麗國大藏都監奉

勅彫造

佛說頂生王因緣經卷第六

校勘記

一 底本，麗藏本。

一 二一八頁中九行「不加」，**南**作「不
如」。

一 二一九頁下二一行「至太子位」，
磧、南、徑、清無。

一 二二〇頁上一四行「神女」，**磧、南、
徑、清**作「神通」。

一 二二〇頁中六行「其夫」，**磧、南、
徑、清**無。